

## Amanah beri laluan calon BN di PRU15 DUN Tioman

Oleh MOHAMAD SHOFI MAT ISA, 29 November 2022, 3:10 pm



MOHD. HATTA MD. RAMLI

Bersandarkan semangat tersebut, katanya, Amanah melihat keperluan mewujudkan perpaduan erat komponen kerajaan negeri dalam menentang calon Perikatan Nasional (PN).

“Oleh yang demikian, Amanah yang juga sebahagian daripada parti komponen Pakatan Harapan (PH) mengambil keputusan memberi laluan kepada calon BN bagi PRU15 bahagian N.42 Tioman.

“Bagi memenangkan calon yang mewakili Kerajaan Perpaduan ini, jentera pilihan raya PH akan bergerak secara bersama dalam setiap kempen BN dalam pilihan raya berkenaan.

“Semoga dengan kerjasama ini, keutuhan Kerajaan Perpaduan pimpinan Datuk Seri Anwar Ibrahim dapat diperkuatkan demi kepentingan rakyat, agama dan negara,” katanya dalam kenyataan di sini hari ini.

Semalam, Pengurus Barisan Nasional (BN) negeri, Datuk Seri Wan Rosdy Wan Ismail selesai mengangkat sumpah sebagai Menteri Besar Pahang ke-15 di Balairung Seri, Istana Abu Bakar di Pekan dekat sini.

Istiadat angkat sumpah itu menamatkan kemelut politik yang melanda negeri ini pasca PRU15 selepas tiada gabungan parti politik meraih kemenangan dengan majoriti mudah.

Pemangku Raja Pahang, Tengku Mahkota, Tengku Hassanal Ibrahim Alam Shah Ibni Al-Sultan Abdullah Ri'ayatuddin Al-Mustafa Billah Shah menzahirkan Istiadat Pengurniaan Suratcara Pelantikan dan mengangkat sumpah jawatan Menteri Besar ke-15 kepada Wan Rosdy.

Mohd. Hatta berkata, Amanah menjunjung kasih atas perkenan Tengku Hassanal Ibrahim Alam Shah bagi pembentukan kerajaan negeri pimpinan PH dan BN. “Parti Amanah juga mengucapkan tahniah kepada Wan Rosdy atas perkenan Pemangku Raja Pahang untuk dilantik sebagai Menteri Besar Pahang,” katanya. – UTUSAN.